

جريدة محاكم

صلى

نومرو	جادی الاولی	سنه	مارت	سنه	صحیفه
۱۹۳	۱۱	۱۳۰۰	۸	۱۲۹۹	۱۵۳۷

* اشبو غزته بهر هفته صالی کونلری چیقار . سنه لکی مجیدی اچمه التمش غرو شدر بهر نسخته سی التمش *
 * پاره مجیدی به اوله رق هر یرده صاتیلور . درج اولنه جق اعلاناتک بهر سطرندن ایکی غروش النور . *
 * سنه لکنه مشتری اولوق استیانلر عدلیه نظارت جلیله سی اوراق مدیر لکنه مراجعت ایتلیدر *

(توجیهات عدلیه)

محکمه تمیز اعضالخی محکمه استیناف حقوق
دأره سی رئیس ثانسی سابق سعادتلو شوقی بک
افندی به

محکمه استیناف حقوق دأره سی رئیس ثانلیکی
ادرنه ولایتی استیناف محکمه سی رئیس اولی سابق
عزتلو رفیق افندی به

محکمه استیناف اعضالخی محکمه تمیز جزا دأره سی
باش میرنی سابق عزتلو عزت بکه توجیه بیورلشدر

(عدلیه نظارت جلیله سندن ولایات ایله الویه مستقله)

(متصرفلقرینه وعدلیه مفتشلکرینه فی ۳۰)

(ربیع الآخر سنه ۱۳۰۰ وفی ۲۶ شباط سنه)

(۹۸ تاریخنده تعمیماً تسطیر اولنان تحریرات)

(صورتیدر)

مستغنی تکرار وتوضیح اولدیغی اوزره بالجمله
مأمورین ملکیه تراجم احوالک قید وتسجیلی امر
وانتخاب واستخداملرنده ولزوم تقاعدلرنده ودها پک
چوق شیلرده انضباط وفأنده بی موجب اولوق جهته
اصابت افزای سنوح اولان اراده سنه حضرت
پادشاهی موجبجه سجل احوال اتخا ذینک تعیمی
قرار کیر اوله رق بو خصوص ایچون طقسان التی
سنه سی اوائلنده بر قومیسون تشکیل وصور اجرائیه .
سنه دأر تنظیم اولنان تعلیمات او تاریخده حسب
الایجاب مؤخرأ قله النوب شورای دولجه مطالعه
وتصدیق اولنان ذیل دخی بر سنه صکره قومیسون
مذکور ریاستی طرفندن تذاکر وتحریرات مخصوصه
وبعض معاملات تسهیله به دأر لازم کلان اوراق
مطبوعه ایله برابر دوائر عدلیه به ولایاته ارسال
اولمش وتسهیلاً للمصلحه هر دأره ولایاتده
متخیران مأمورین قلیه دن مرکب بر قومیسون
تشکیلله سرعت اجراسی توصیه ایدلمش اولسی

اوزرینه مأمورین عدلیه نك تراجم احوال اوراقی بعض محللردن ككش ایسه ده اككث ولایاتدن كوندرلماش و سچل مذکورك سرعت اكالی خصوصی مؤخرأ دخی شرفیبرای صدور اولان اراده سنیه جناب شهنشاهی اقتضای جلیلندن بولنش اولسنه مبنی وصایای سابقه وجهله ولایت آصفانه لری مرکزنده اولان قومیسسیونده مأمورین عدلیه نك استحضار اولنان ترجه حال اوراقده صنف اول اولنه رق همان برطرفدن نظارته ارساله نهایت برماهه قدر ارقه سنك النسنه و صنف ثانی طالقنك دخی درت ماهه دكین ایجابنك اجراسنه دأر فی ۹ جادی اولی سنه ۹۹ و فی ۱۷ مارت سنه ۹۸ تاریخنده دخی تحریرات مآكده كوندرلش اولدیغی حالده اوراق مطلوبه نك هنوز كاملاً كوندرلیوب ارقه سی النهماش اولدیغی تحقیقات واقعه دن اكلاشلشدر بویله بر ماده مهمه جه ظهوره ككلان تاخرات معاملات و مجلاتی تشویش ایدرك بوندن تولدی طبیعی اولان مشكلاتی موجب اولماق و بردها تأكید و اشعاره حاجت قلامق اوزره اوراق مذکورنك برنجی صنفنك همان وایكنجی صنفنك دخی پیایی تعلیماته توفیقاً سریرعاً استحضار و ارسالی مقتضای حال و مصلحتدن بولنغین اولباید

(عدلیه نظارت جلیله سنندن ولایات عدلیه)
(مفتشلكرینه یازیلان محررات صورتیدر)

بیاندن مستغنی اولدیغی اوزره استاتستیق اصولنك انخاندن مقصد اصلی محاكمك سنه بسنه وقوعبولان معاملات و اجرا آتیه تمامیه ككسب و قوف ایتمك

قضیه سی اولوب و بونك حصولی ایسه استاتستیق جدولارینك صورت صریحه و صحیحده تنظیمه وابسته بولنوب حالبوكه شمدی به دكین محاكمدن بالورود تدقیقات مقتضیه لری اجرا قلنان جدولارك هر نصلسه مطلوبه موافق صورتده تنظیم ایدیله مدیکی و بوده محاكمه الك لزومی اولان قیوداتك ققداندن و یاخود عدم انتظامندن ایبروكلدیکی اكلاشلدیغنه و بوحالك دوا می هم استاتستیقندن منظر اولان محسنانی اخلال و همده تكثیر مخبراته استاتستیق قلمك وظیفه اصلیه سنی اشكال ایده چکی جهته اصلا جائز اوله میه جغنه بناء بعد ازین جدولارك اصول و نمونه سنه توفیقاً تنظیمی و سائلنك استكمالی ضمنده بوكره قلمه النان تعلیماتك نسخ مطبوعه سنندن لزومی قدری امور جزاییه مدیرلكنك افاده سیله لقاطرف والارینه ارسال قلندی بونلردن بر نسخهنك ایجاب ایدنره اسبالیله يك ایکوز طقسان سكر سنه سی استاتستیقندن بدأ ایله جدول مذکورنك صورت مطلوبه ده تنظیمی اسبانیك استحصاله مزید همت ومع هذا محاكمك حین تفتیشنده اول باول قیوداتك درجه انتظامنه عطف نظر دقله خلاق واقع جدول تنظیمه جرأت ایدنل حقزنده دخی معامله قانونیه نك اجراسنه مسارعت بیورلمی

(حقوق و تجارت استاتستیقینه تعلیمات)

برنجی ماده لواوقضا بدایت محاکمی طرفندن تنظیم اولنه جق استاتستیق جدولارینه اولاسنه سابقندن مدور اولان و ثاباً سنه ایچنده كلان دعاوی درج اولنوب بونلرك حاصل یكونی یكون خانه سنه ترقیم قلنه جقدر

ایكنجی ماده یكون خانه سنك موجودی مثلا اوچیوز ماده دن عبارت ایسه بوندن اول امرده مدت نظامیه سی منقضیه اولوبده ابطال ایدیلان وسنه او اخرنده در دست تدقیق بولنان و محاكمه سنه هنوز بدأ ایدلماش اولان دعاوی بالا فراز خانه مخصوصلرینه قید و املا ایدیله چك و بعده درجه اولاده و اخیرده و جاهاً و غیباً فصل ورؤیت اولنان دعاوی نك نوعیه مدعی و مدعی علیه ك صفت و تابعیتی و حكمك و محكوم بهك و اعلاماتك نوعی و مبلغ مدعا ایله مبلغ محكوم و اخذ اولنان اعلام خرجنك مقداری و مرور ایدن زمان صراحة ككوستریله چك و الحاصل مدت نظامیه سی منقضیه اولوبده ابطال ایدیلان وسنه او اخرنده در دست تدقیق بولنان و محاكمه سنه هنوز بدأ ایدلماش اولان دعاوی نك منشائی كوستریلوب نوعیه مدعی و مدعی علیه ك صفت و تابعیتی و مبلغ مدعاتك مقداری جدوله ككوریله جقدر

اوچنجی ماده ایكنجی ماده ده شرح و ابضاح اولدیغی وجهله یكون خانه سنه ككوستریله چك دعاوی نك تقسیماتی اجرا اولنوب اشبو تقسیمات عند الحساب یكون خانه سیله بهمه حال قارشولشه جقدر

در دنجی ماده مقدهما ارسال قلنان نمونه نك صوتك صحیفه سنك نهایتنده کی خانه سنه آتیه به دور اولنان موادك یكونی ایچون كشاد ایدلدیكندن اولاد در دست تدقیق بولنان مود ایله هنوز تسویه سنه باشلانلیان مواد خانه مخصوصلرینه یازلدقده نك صکره بوا یکی خانه نك حاصل یكونی مار الذکر نهایتنده کی یكون خانه سنه ككوریله چك و مثلاً سنه او اخرنده موجود اولوبده سنه آتیه به دور ایدیلان مواد یوز ماده دن عبارت و بوده در دست رؤیت ایسه او حالده در دست خانه سنه ۱۰۰ و سنه آتیه به دور ایدیلان مارالبیان

یكون خانه سنه ۱۰۰ رقی وضع ایدیله چك و بو صورتله سنه آتیه به دور ایدیلان ۱۰۰ ماده نك در دست رؤیت بولندیغی كوستریله جقدر شاید سالف البیان ۱۰۰ ماده نك ۶۵ ی در دست تدقیق بولنش و ۳۵ عددینك دخی هنوز محاكمه لرینه باشلانماش ایسه ۶۵ ماده نك در دست خانه سنه و ۳۵ ماده نك دخی هنوز محاكمه لرینه باشلانلیان مواد خانه سنه ككوریله چك بوا یکی خانه نك حاصل یكونی اولان ۱۰۰ ماده دخی نهایتنده کی یكون خانه سنه درج ایدیله جقدر

بشنجی ماده بدایت محاکمی طرفندن تنظیم اولنه جق جدولك قیوده موافقتی جانب ریاستدن و اصل و نمونه به مطابقتی تابع اولدیغی لوا مدعی عمومی معاونلکندن بعدالتصدیق مرکز ولایته كوندر یله جقدر

النجی ماده اشبو جدولارك قپاغی اوستنه چلی قلمه عائد اولدیغی محكمه نك و تابع اولدیغی لوانك اسمی یاز یله جق و شاید برسنه ظرفنده محكمه جه دعوی رؤیت اولدیغی تقدیرده اسبابی قناعت بخش اوله جق صورتده ذیلنه شرح و یریلوب هیئت محكمه طرفندن تمهیر قلنه جقدر

یدنجی ماده قضاردن لوازه ولوالردن مرکز ولایته كوندر یله چك جدولر بر ككوره ده مدعی عمومیلر جانبندن تدقیق اولنوب بلا تاخر طاقیه ووقتیله نظارته كوندر یله جقدر

فی ۱۹ ربیع الآخر سنه ۱۳۰۰ و فی ۱۵ شباط سنه ۱۲۹۸

(جزا استاتستیق جدولاری حقیقه تعلیمات)

برنجی ماده قضا بدایت محكمه لری طرفندن سنه بسنه تنظیم اولنه جق جزا استاتستیق جدولارنده اول

سنه سابقه دن مدور مواد وثائياً سنه ایچنده کلان مواد بشقه بشقه ارئه ایدیلوب بوایکی قلمک یکونی خانه مخصوصه درج اولدقدنصکره یکون خانه سنده بولنان مواددک نمقداری رؤیت اولمش ونقدری ایرتسی سنه یه قالمش ایسه بونلرده بشقه بشقه خانه مخصوصلرینه ترقیم قلنه جقدر

ایکنجی ماده برسنه ظرفنده محکمه ده موجود اولان و بوندن فصل ورؤیت ایدیلانله ایرتسی سنه یه قلمان موادک مقداری منوال محرر اوزره منفهم اولدقدنصکره مواد مذکوره دن طولایی مظنون علیه بولنان اشخاصک دخی مقدارینه کسب وقوف اولمق اوزره موقوف وکفالته ر بط اولنان و برائت ذمت ایدن و محکوم اولان اشخاصک مقداری صره سیله خانه لرینه کچور یله جک و محکومینک مقداری اول امرده بر قلم اوله رق بیان اولدقدنصکره درجات محکومیت خانه سنه تقسیم ایدیله جقدر

اوچنجی ماده مجازات نقدیه ایله محکوم اولان اشخاص خانه مخصوصه درج ایدیلوب حکم اولنان جزای نقدینک مقداری ایسه غروش اوله رق آبروجه دیگر خانه یه ترقیم قلنه جقدر

دردنجی ماده جنسیت و صفت و صنعت و تابعیت و ملیت و مقدار سن و درجه معلومات خانه لری محکومینه مخصوص اولوب بو خانه لره مظنوناً موقوف و یا کفالت تحتنده بولنان و یا خود برائت ذمت ایدن اشخاص داخل ایدیله جک و مثلاً برسرقت ماده سنندن طولایی مظنوناً محکمه یه کتور یلان التی شخصک دردی برائت ذمت ایتش و ایکیسی محکوم اولمش ایسه یالکز محکوم اولان ایکی شخصک جنسیت و صفت و صنعت و ملیت و درجه سن و معلوماتلری کوستر یله جقدر

بشنجی ماده کرک محاکم استینافیه ده و کرک الویه

محاکمده جنایتیه دائر تنظیم اولنه جق استاتستیق جدولری دخی منوال مشروح اوزره ترتیب ایدیلوب انجق جنایتیه مظنون و موقوف بولنانلر ایچون نموده مخصوصاً خانه کشاد ایدلدیکندن بونلر ایچون دخی جنایت جدوللرینک برائت ذمت خانه سنک اتصالنده مجدداً برر خانه اچیله جقدر

التنجی ماده هر قضا بدایت محکمه سی طرفندن تنظیم اولنه جق جدولک قیوده موافقتی جانب ریاستدن و اصول و نمونه یه مطابقتی تابع اولدیغی لوا مدعی عمومی معاونلکندن بعدالتصدیق مرکز ولایت کوندر یله جقدر

یدنجی ماده اشو جدوللرک قباغی اوستنه جلی قلمله عائد اولدیغی محکمه نک اسمی یاز یله جق و شاید برسنه ظرفنده محکمه جه دعوی رؤیت اولمدیغی تقدیرده اسبابی قناعت بخش اوله جق صورتده ذیلنه شرح و یر یلوب هیئت محکمه طرفندن تمهیر قلنه جقدر

سکزنجی ماده قضاردن لوازه و لوازدن مرکز ولایت کوندر یله جک جدوللر بر کرده مدعی عمومی جاتندن کورلدکدن صکره طاقیله ومدت نظامیه سی منضیه اولزدن مقدم و قبیله نظارته کوندر یله جقدر

فی ۱۹ ربیع الآخر سنه ۱۳۰۰ وفی ۱۵ شباط سنه ۹۸

(یوز طقسان ایکنجی نومرولی جریده محاکمه)
(مندرج اعلامک بقیه سی)

اولدیغی مرقومون طرفلرندن استدعا اولمسیله اول امرده ایشک بوجهتی لدی التذقیق زیتون رؤسائک استثناسیله بو باده عفو عمومی اعلانه دائر مقام جلیل وکالت پناهدن کشیده بیوریلان تلغرافنامه

سامی اوزرینه حلب هیئت تفتیشیه سنه مأمور اولان قومیسر دولتلو سعید پاشا حضرتلری طرفندن مرعش متصرفلغنه یازیلان تحریراتده زیتون اشقیاسنک هیئت مجموعه سیله یعنی حادثات سابقه اثناسنده هر صورتله ارتکاب جرم ایدنلرک نائل عفو اولدقلری حسببیله جوار قرا اهالی اسلامیه سنندن کندو حققرنده برر صورتله غدر ایتش اولدقلرینی ادعا ایدلکری اشخاصک عفو و ماطفت سنیه دن حصه دار اوللری لازمه دن بولمش وزیتونلیرک بعضاً افراد مسلمه حققرنده درمیان ایتدکری دعورلرینک خلاصه احکامنی ناطق بر مجموعه دخی لفا ارسال قلمش اولدیغی بیانیله زیتونلیرک ادعا واشتکک ایتدکری اهالی اسلامیه نک دخی انلرک نائل اولدقلری عفو عمومی به داخل بولندقلری جهته مجموعه مذکوره ده مندرج مواد و مسائلدن طولایی تجدد و تکریر ایدیله جک دطاوینک بالطبع مسموع و مقبول اولمیه جنی اشعار اولمش و ذکر اولنان مجموعه دخی زیتون اهالیسنک درمیان ایتدکری یتش یدی ماده بی شامل و بونلردن بشی مأمورین حکومت علیه نده اولوب بونک ایچنده مومی الیه داودافندی دخی داخل اولدیغی اکلاشلش اولدیغنه وزیتونلیر حققرنده اولان عفو عمومی تلغرافنامه سامی به مستند وانلرک مجموعه مذکوره ده بیان ایتدکری مواددک دخی عفو عالی به دخولی مقتضای عدل و حقانیته مبتنی اولوب مجموعه مجعوت عنها ده محررکسان عفو عمومی دن حصه دار اولدقلری حالده مومی الیه داود افندینک استثناسی قاعده تجویز اولمیه جفته و بوجه ایله برابر مومی الیه داود افندینک مرعش بدایت محکمه سنجیه برائت ذمتنه قرار و یرلش اولدیغی کبی مرقومان مغردیج و حسین دخی قومیسرلر طرفندن او صره ده تخلیه قلمش اولدقلرینه بنه

بونلرک اجرای محاکمه لره محل کور یله مدیکندن اخلاقی سبیللرینه قرار و یرلدیکنی بیاندن عبارت بولمشدر

ذکر اولنان تبلیغنامه مالی دخی دعوی مذکوره اساساً فعل قتله دائر اولوب بوایسه جنایت نوعندن بولندیغندن رؤساً و رؤسماً قابل تمیز اولدیغنه و واقعا عفو عمومی علی الاطلاق جرائم واقعه بی اساساً محو وازاله ایله حقوق عمومیه دعواسنی تعطیل ایدرک مرتکبلری حققرنده دعوی اولنه مامسی درکار ایسه ده عفو عمومی نک اول مجرمه و ارتکاب ایدلیکی جرمه شموی اولوب اولدیغنک تدقیق و تقدیری لازمه دن اولوب وقعه مذکوره دن طولایی اعلان بیوریلان عفو عمومی احکامنه اطلاع حاصل اولمق اوزره بو باده متعلق بیوریلان اراده سنیه حضرت شهر یارینک مطالعه سنه لزوم کورندیکنه مبنی اراده سنیه بی متضمن تذکره سامیه ایله یازدیغی بیان اولنان تلغرافنامه صورتلری باب عالی اوراق مدیر یتندن جلب ایله لدی مطالعه ذکر اولنان فی ۱۶ مایس سنه ۹۵ تاریخی تلغرافنامه وفی ۴ جمادی الآخر سنه ۹۶ تاریخی تذکره سامیه مألرینه نظراً حقوق شخصیه ورئیس اشقییا بولنان بابک و امثالی رؤسا و موقوفیندن اثبات برائت ایده میانلر مستثنا طوتیله رق دیگر عفو مستحق اولانلر حققرنده اول وجهله معامله اولمق ایچون قومیسرلره مأذونیت و یرلسی و بو خصوصه برکونه سوء استعمال وقوعه کلامسنه زیاده سیله اعتنا ایدلسی خصوصیلری لدی العرض موجبجه اراده سنیه ملوکانه نک شرف صادر اولدیغی اکلاشلش وشو عفو عمومی ایسه مستثنیاتدن ماعدا اهالی حققرنده برعاطفت مخصوصه اولوب بونک مأمورلره شمولنه دائر اراده سنیه ده برصراحت کور یله مدیکنی کبی وقوعات مذکوره

حادثه بجهت عنهادن مقدم اولوب او ائشاده وقوع بولامش اولسنه نظراً بوکا اصلشعولى اوله ميه جفته ومع مافيه قائم مقام مومى اليهك جرم واقعى اساساً زيتون وقعه سنك حدوئنه سببیت ویرمش احوال دن معدود اولوب كندوسنك داخل عفو اوليان طاقدن بولنديغى بدیهى بولنديغنه ومومى اليهك مرعش بدایت محكمه سنجه برائت ذمتنه قرار ویرلدیكنه دائر اعلام مذكوره موضوع بحث اولان فقره يه كلنجه بو برائت قرارى اصول عتبه دائره سنده جريان ایش واسباب قانونیه به مبنی محكمه تمییر نه دخی نقض ایدلمش اولديغى محكمه تمییر جزا دائره سنك اوراق میانده بولسان فی ۱۱ مارت سنه ۹۶ واون بش نومرولى اعلامی مندرجاتدن مستیان اولوب محكمه استینافك ایسه اعلام مذکور موجبجه احكام قانونیه به توفیقاً محاکمه مقتضیه نك اجراسيله حاصل اوله جق نتیجه كوره حکم ویرمسی واول باده متعلق بیوریلان اراده سنیه ایله انك تبلیغ احكامی متضمن اولان تلغرافنامه سامی مندرجاتك حسن استعمال واستفهامی ضمنده بوجهتلى تدقیق وتحقیق ایتسی لازم كلورایكن بلا محاکمه عفرى متضمن اولان واراده سنیه حضرت شهنشاهی احكامی خلافتده حکم اعطا ایش اولسنه ومدعی عمومیلک طرفندن دخی قانوناً لازم كلان ادعا نامه تنظیم ایدلمكسزین یالكز نظارت جلیله عدلیه دن یازیلان تحریراتك حواله صورتیه محكمه به تبلیغیه بو باده برکونه بیان مطالعه ایدلمش اولديغنه واحوال مذكوره ایسه اساساً اسباب نفضیه قانونیه دن بولنديغنه مبنی اصول محاکمات جزایه قانون موقتك اوچیوز اون دردیجی ماده سی موجبجه اعلام مذکورك نقضی طلبنی حاویدر

اوراق سائره دخی مطالعه ایله کیفیت تمییراً تدقیق

ومذاکره اولندقدنه تبلیغنامه ده تفصیلاً بیان اولنديغى اوزره محكمه مذكوره قانوناً معین اولان وظیفه سی داخلنده اجرای معامله ومحاکمه ایتكسزین مرقوم حقنده اعطای حکم ایش اولديغندن اصول محاکمات جزایه قانونك اوچیوز اون دردیجی ماده سی موجبجه مذکور اعلامك نفضنه وقانون مذکور احكامنه توفیقاً رؤیت کیفیت اولنق اوزره اوراق مرقومك محله اعاده سنه وخرج تعرفه سنك قرقجی ماده سی موجبجه تمییر اعلامی خرجی اولان ایکیوز غروشت اخذ واستیفاسنه قرار ویرلدی

(فی ۲۰ ربیع الآخر سنه ۹۹ وفی ۳ شباط)
 (سنه ۲۹۷ تاریخى و بوز بر نومر وسیله محكمه)
 (جنایتدن اعطا قلنان اعلامك صورئندر)

بیع وفروخت ایچون سفینه سنه باروت صاقلامسندن طولای جنایتله اتهام اولنان طورسون قپودان حقنده هیئت اتهامیه دن تنظیم واعطا قلنان فی ۵ صفر سنه ۹۹ تاریخى مضبطه ایله استیناف مدعی عمومیسنك فی ۱۳ صفر سنه ۹۹ تاریخى ویک اوچیوز درت نومرولى اتهامنامه سی اوراق متفرعه سائره سیله معاً فی ۳۰ کانون اول سنه ۹۷ تاریخنده محكمه جنایتنه تودیع اولنقله قرائت ومطالعده اولنهرق تفصیلاتی اولبایده طوتیلان ضبطنامه ده محرر اولديغى وجهله اصول محاکمات جزایه قانون موقتك باب ثانیسنك فصل رابعنده مندرج اولان معاملات ابتدایه بعدالایفا طقسان طقوز سنه سی شهر ربیع الاولك اون بشجی بازار ایرتسی کونی موقوف طوسون قپودان جلب ایله وکیلی واسیلاکی افندی یاننده اولديغى ومدعی عمومی معاونی جمال بك دخی حاضر

بولنديغى حالده محاکمه علیه به لدی الابدنار اتهام مضبطه سیله مدعی عمومی سنك اتهامنامه سی ضبط کاتبی عزیز بکه قرائت ایتدیردی

مضبطه مذكوره نك خلاصه مالى مرقوم طورسون قپودانك مغایر نظام اوله رق ممالک شاهانه به باروت ادخال ایتدیکی دلائل واخبارات ایله متحقق اولديغندن یوز التمش التنجی ماده قانونیه نك ذیلی موجبجه جنایتله اتهام اولنديغى بیانی حاویدر اتهامنامه نك نتیجه مؤداسی دخی مضبطه مذكوره مندرجاتی بولنده مرقوم طورسون قپودانك جنایتله متهم بولنديغى حاکیدر

بونك اوزرینه مقام ریاستدن اتهامنامه سنك مالى متهم مرقومه تفهیم ومدعی عمومی معاونی طرفندن دخی اسباب اتهامی تشریح اولندقدن صکره متهم مرقوم سولتدیردلکده کندوسی پیره دن یونان قائمه سی اوله رق الدیغى نول اچده سندن ضرر ایتمك وملككندن اوچیلقدنه صرف ایتك اوچیلره صاتمق اوزره سفینه سنده بولنان یوز ایش یدی قیه باروتی الوب ممنوعیتی بیلیه رك بورایه کتورمش وطائفه سندن توفیق دخی مذکور باروت ایچون تذکره اخراجنه کوندرمش اولديغى حالده مرقوم دیدیکی کونده تذکره بی چیقار تمامش اولسندن طولای خدمتندن طرد ایتدیکی کون حاصل ایتدیکی غرضه مبنی کیدوب حکومته اخبار کیفیتله ذکر اولنان باروتلر ضبط اولمش اولنديغى بیان ایتکله اجرا قلنان استنطاقنده تذکره المق ایچون اسامیسنى بیان ایتدیکی بعض کسسنه له مراجعت ایتدیکی صرده اولجه خده سنده بولسان توفیق طرفندن افاده واخبار اولمش اولديغى مصرح اولديغندن بوراسی ویرده اشوب باروتی پیره دن الدیغى وقت کینک مانیفستوسنه قید ایتدیروب ایتدیردیکی سؤال اولندقدنه دائره ده استنطاقده دخی شمیدیکی

افاده سی وجهله بیان حال ایلدیکی وباروتی الدیغى وقت کینک مانیفستوسنه قید ایتدیردیکی سولیدی مدعی عمومی معاونی مرقوم طورسون قپودانك مغایر نظام اوله رق فروخت ایتك اوزره ممالک محروسه به باروت ادخال ایلدیکی کندوسنك اقراری واخبارات ایله اکلاشلدیغندن بر موجب اتهامنامه مرقومك مجرم اولديغنك تحت قراره التمشى وباروت حقنده دخی نظام مخصوص وجهله معامله اولمشنى طلب ایتسنه قارشو مدافعه وکیلی واسیلاکی افندی دخی موکلی بو باده اولان ممنوعیتی بیلیه رك ومجرد اوچیلقدنه استعمال اولنق اوزره مذکور باروتی المش بو بونه بر سوء مقصد اولديغى دخی میدانده واحكام قانونیه ایسه مقصده مبنی اوله جنى درکار بولمش اولديغندن بختله برائت ذمتیه تخلیه سنى معرض مدافعه ده ایتان ایتکله محاکمه نك ختام بولديغى طرفینه تفهیم اولندی

طرفینك ادعا ومدافعاتی وتدقیق اولنان افادات مضبطه اوراقی اوزرینه ایجاب کیفیت لدی المذاکره متهم طورسون قپودان مغایر نظام اوله رق بیع وفروخت ایتك ایچون پیره دن باروت الدیغى کندوسنك اقراری وباروتك دخی سفینه سنده بولمسيله ثابت اولديغندن اولوجهله مرقومك مجرم اولديغنه اکثریتله ویریلان حکمی حاوی تنظیم اولسان قرار نامه علناً قرائت اولندقدنه مدعی عمومی معاونی مرقومك یوز التمش التنجی ماده قانونیه نك ذیلی موجبجه تحدید مجازاتی ووکیلی دخی تخفیف جزاسنى طلب وافاده ایلدی

جهت جزایه سی حقنده دخی ایجاب کیفیت لدی المذاکره مرقوم طورسون قپودانك تحت حکمه التان حرکت جرمیه سی قانون جزانك یوز التمش التنجی ماده سنك ذیلنه موافق اولديغنه ومذکور ذیلده دخی

خواجه اوغلي محمد اغانك اون سكز نومرولى باغى
ارقه سى صوباشى اوكى نعلبند چفولرى دنيلان جاده
ايله محدود اون درت دوئم مقدارى اون يدى نومرولى
باغ تمامك تاريخ اعلاندن اعتباراً اون بش كون صكره
فروخته تشبث اولنه جغى در سعادت بدایت محكمه سى
اجرا دأره سندن اعلان اولنور

فى ۲۴ شباط سنه ۹۸

سبره جى وانكلك در سعادت بدایت محكمه سى ايكنجى
حقوق دأره سندن اعطا فلنان فى ۹ كانون اول سنه
۹۹ تاريخ و ۴۸۴ نومرولى اعلام موجبنجه مسعود
اغايه دينى بولنان مبالغ معلومه نك تسويه سى ضمنده
مديون مرقومك متصرف اولديغى مراد پاشا محله سنده
خورخور جاده سنده كاشن صاغ طرفى اللى التى نومرولى
كور كجى دكانى صول طرفى سبره جى عنكلك التمش
نومرولى قصاب دكانى ارقه طرفى باشجى حاجى
محمود اغا وقفنك متوليرى خانه سنك باغچه سى
طرف رابعى طريق عام ايله محدود تخميناً اوتوزالتى
ذراع مقدارى عرصه اوزرينه مبنى فوقنده بر باب
اوطه يى مشتمل اللى سكز نومروده سبره جى دكانك
نصف حصه سنك تاريخ اعلاندن اعتباراً اون بش كون
صكره بالزايده فروخته تشبث اولنه جغى در سعادت
بدایت محكمه سى اجرا دأره سندن اعلان اولنور

فى ۱۶ شباط سنه ۹۸

مطبعة عامرودة طبع اولندى

مغاير نظام بر محمله بيع و فروخت ايچون باروت بولنور
ايسه ضبط اولنوب باروت صاحبي بولنان و صاقليلان
اوچ سنه مدتله كورك جزاسى كوره جكدر ديو محرر
ايدوكنه بناء بو حكمه توفيقاً مذكور باروتارك جانب
مير يدن ضبطنه و صاحبي بولنان مرقوم طورسون
قپودانك دخى ابتدای تاريخ توقيفى اولان طقسان
يدى سنه سى شهر تشرين اولنك اون ايكنجى كوندن
اعتباراً بعد التشهير اوچ سنه مدتله كور كه قونلسنه
وطوبخانه عامر هيه وقوع بولان اشعار اوزرينه
كلان مذكرة جوابيده مرقوم طورسون قپودانك
كيسنده ايكيز قيه باروت بولنديغى و بهر قيه سنه
دخى التيشر غروش فى تقدير ايلديكى بيلديرلش
اولديغندن باروت نظامنامه سنك اون التنجى ماده سى
حكمنجه ذكر اولنان باروتك بدلى اولان بيك ايكيز
غروشك ايكى مثلى اوله رق ايكى بيك درتيز غروش
جزاى نقدينك و مفرداتى پوصله سنده كوستريلان
اوچيوز التمش غروش مصارف محاكمه نك مرقومدن
تحصيلنه اكثر يت آرا ايله قرار وير يلوب تبليغ
اولندى

اعلانات

بر اصنافندن على افتدينك در سعادت بدایت محكمه سى
برنجى حقوق دأره سندن فى ۱۷ تشرين ثانى سنه
۹۸ تاريخ و ۲۸۲ نومرولى اعطا فلنان اعلام
موجبنجه قاشقجى اصنافندن على رضا افتدى به دينى
بولنان مبالغ معلومه نك تسويه سى ضمنده مديون
مرقومك فروخته موافقت ايلديكى مولويخانه
قپوسى خارجنده نعلبند چفولرنده فواقع بر طرفى
شوب نيقوله نك اون طقوز نومرولى باغى ديكر طرفى